



Här Claude Wiseler

President vun der Deputéiertechamber

19, um Krautmaart

L-1728 Lëtzebuerg

Lëtzebuerg, den 1. Juli 2026

Här President,

esou wéi d'Chambersreglement et virgesäit, bieden ech Iech, dës parlamentaresch Fro un d'Madamm Minister fir Medien a Connectivitéit weiderzeleeden.

Laut der neitster STATEC-Etüd iwwert de Gebrauch vu soziale Medien am Joer 2025 gëtt drop higewisen, datt ëmmer méi Leit déi sozial Medie just consomméieren, ouni selwer aktiv ze sinn. Dat passivt Benotze geet deemno däitlech erop (57% am Verglach zu 45%), während dat aktiivt Benotze liicht erofgeet (40% am Verglach zu 43%). D'Benutzungsmuster variéiere staark no Alter, besonnesch wat d'Plattformen ugeet, déi am meeschte benotzt ginn.

An deem Kontext hätt ech folgend Froen un d'Regierung:

1. Huet d'Madamm Minister eng detailléiert Analys vun der Entwécklung vum passive Gebrauch vu sozialen Netzwierker gemaach mat deenen domat verbundene Risiken (Desinformatioun, Manipulatioun, Sucht) fir verschidden Altersgruppen, dorënner och eeler Leit?
2. Verfüügt d'Madamm Minister iwwer konkret Donnéeën betreffend de Gebrauch vu soziale Medien, gestaffelt no Altersgruppen, bannent deene leschten zéng Joer?

Mat déiwem Respekt,

Dan Hardy
Deputéierten